

जैसल धाडवी कथा प्रथम भाग,

अरे गोडे तो आयो म्हारे नीर,
तोलादे रानी रे वारी तोलादे रानी,
डूबन सु डरू घणो रे ए जी,
होले पकडले म्हारो हाथ रे,
जैसल राजा रे वारी,
ओ धाडेचा राजा,
कोनी डूबन दु पग री मोजडी रे जी ओ ॥

कडीये तो आयो म्हारे नीर रे,
तोलादे रानी रे वारी तोलादे रानी,
डूबन सु डरू घणो रे ए जी,
अरे कियोडा पाप परखावोनी जैसल राजा रे,
वारी ओ धाडेचा राजा,
कोनी डूबन दु पग री मोजडी रे ए जी,
ओ फोडी सरवरिया वाली पाल,
तोलादे रानी रे वारी तोलादे रानी,
चुगता मोरीया ने मारीयो रे ए जी ॥

छाती तो आयो म्हारे नीर रे,
तोलादे रानी रे वारी तोलादे रानी,
डूबन सु डरू घणो रे ए जी,
अरे कियोडा पाप परखावोनी जैसल राजा रे,
वारी ओ धाडेचा राजा,

कोनी डूबन दु पग री मोजडी रे ए जी,
अरे काटतो पीपल री मै तो डाल रे,
तोलादे रानी रे वारी ओ सती रानी,
बैठोडी गाया ने ठोकर मारीयो रे ए जी ॥

गले तो आयो म्हारे नीर रे,
तोलादे रानी वारी तोलादे रानी,
डूबन सु डरूँ घणो रे ए जी,
अरे कियोडा पाप परखावोनी जैसल राजा,
वारी ओ धाडेचा राजा,
कोनी डूबन दु पग री मोजडी रे ए जी,
अरे कबूतर रो करतो मै शिकार रे,
तोलादे रानी रे वारी तोलादे रानी,
सगा भान्जा ने मारीयो रे ए जी ॥

कियोडा पाप परखावोनी जैसल राजारे,
वारी ओ धाडेचा राजा,
कोनी डूबन दु पग री मोजडी रे ए जी,
अरे लुट तो कुवारी मै तो जोन रे,
तोलादे रानी रे वारी तोलादे रानी,
मनरा मुकलावा मै घणा किया रे ए जी,
ओले पकडले म्हारो हाथ रे जैसल राजा रे,
वारी ओ धाडेचा राजा,
पाप काया ने वाला जडपडे रे ए जी,
अरे धीन धीन ओ तोला रानी,
धीन धीन मारी सती रानी,
आप तिरीया ने जैसल तारीयो रे ए जी ॥

ए थारोडो सायबो बता ओ तोला रानी,
थारोडो सायबो बता,
इनरे सायब मे मारो मन लागो,
राम अलख धणी,
इनरे सायब मे मारो मन लागो,
राम अलख धणी ॥

गायक महेंद्र सिंह राठौड़ जी ।
प्रेषक मनीष सीरवी
9640557818

Source: <https://www.bharattemples.com/jaisal-dhadvi-katha-first-part/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>